

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-22986/24
Sarajevo, 21.10.2024. godine

Na osnovu člana 24. a), člana 28. i člana 70. Zakona o javnim nabavkama („Službeni glasnik BiH“, br. 39/14, 59/22 i 50/24) i člana 26. Pravilnika o javnim nabavkama roba, vršenju usluga i ustupanju radova broj: 02/12-45-25701/22 od 10.12.2022. godine i broj 02/12-04-21075/24 od 23.8.2024. godine, a na preporuku Komisije za javnu nabavku, Općinski načelnik donosi:

ODLUKU

I

Prihvata se ponuda ponuđača „Mibral“ d.o.o. Sarajevo sa ponudenom cijenom za ugovor u iznosu od 74.037,25 KM bez PDV-a, odnosno 86.623,58 KM sa PDV-om u predmetu pregovaračkog postupka bez objave obavještenja o nabavci - „Izvođenje dodatnih radova na izgradnji separate kanalizacione mreže u ulici Amira Muharemovića po ugovoru br.1 zaključenom na osnovu okvirnog sporazuma broj 02/12-19-12239/22.“

II

Zadužuje se Služba za zajedničke poslove da obavijesti učesnika u pregovaračkom postupku o prihvatanju ponude, te da nakon isteka žalbenog roka pripremi ugovor i dostavi Općinskom načelniku na potpis.

Obrazloženje

Služba za investicije i komunalne poslove aktom br. 02/08-19-sl/24 MS od 04.9.2024. godine podnijela zahtjev za pokretanje procedure pregovaračkog postupka za izvođenje dodatnih radova na izgradnji separate kanalizacione mreže u ulici Amira Muharemovića po Ugovoru br.1 od 15.4.2024. godine, zaključenom na osnovu okvirnog sporazuma broj 02/12-19-12239/22, a jer je stručno-tehnički nadzor „Panacon“ d.o.o. Sarajevo dostavio akt broj 07033-24 od 05.8.2024. godine u kojem nadzorni inženjer konstatuje da je neophodno na dnu ulice Amira Muharemovića izgraditi potporni zid u cilju osiguranja trajne stabilnosti i funkcionalnosti separate kanalizacionog sistema, a zbog činjenice da revizioni šaht na spoju trpi veliko hidrauličko opterećenje i mora imati kvalitetan nasip koji treba obezbijediti pasivni otpor tla za stabilizaciju šahta. Dalje se navodi da su radovi neophodni da bi se radovi na separate kanalizacionoj mreži kompletirali kao jedna funkcionalna cjelina.

Na osnovu naprijed navedenog Služba za zajedničke poslove utvrdila je da su ispunjeni uslovi za pokretanje pregovaračkog postupka u skladu sa članom 24. (a) Zakona o javnim nabavkama. Shodno tome donesena je Odluka o pokretanju postupka javne nabavke br. 02/12-19-22986/24 od 25.9.2024. godine - „Izvođenje dodatnih radova na izgradnji separate kanalizacione mreže u ulici Amira Muharemovića po Ugovoru br.1 zaključenom na osnovu okvirnog sporazuma broj 02/12-19-12239/22“. Procijenjena vrijednost nabavke shodno Odluci iznosi 78.632,47 KM bez PDV-a. Služba za zajedničke poslove je potom uputila poziv za učešće u pregovaračkom postupku broj 02/12-19-22986/24 od 30.9.2024. godine ponuđaču „Mibral“ d.o.o. Sarajevo.

Zapisnikom o otvaranju ponuda od 14.10.2024. godine Komisija je konstatovala da je u predviđenom roku, u propisno upakovanoj koverti, pristigla (1) jedna ponuda ponuđača: „Mibral“ d.o.o. Sarajevo.

Komisija je izvršila analizu dostavljene inicijalne ponude br. 83b-1.6.2-10/24 od 14.10.2024. godine i utvrdila da ispunjava formalno-pravne uslove utvrđene pozivnim pismom, te je nakon izvršene analize jediničnih cijena od strane stručnih tehničkih lica komisije pristupljeno postupku pregovaranja sa predstavnikom ponuđača.

U toku postupka pregovaranja, dana 16.10.2024. godine stručna tehnička lica su pregovarala sa predstavnikom ponuđača o mogućnosti smanjenja cijene ponude, te je ponuđač pozvan da u roku od tri (3) dana dostavi konačnu ponudu.

Ponuđač je u ostavljenom roku putem protokola dostavio konačnu ponudu br. 83c-1.6.2-10/24 od 17.10.2024. godine sa ponudnom cijenom za ugovor u iznosu od 74.237,25 KM bez PDV-a, odnosno 86.857,58 KM sa PDV-om. Komisija je izvršila računsku kontrolu ponude i konstatovala računsku grešku. Ponuđač je dostavio saglasnost na ispravku računске greške broj 128-1.6.2-10/24 od 25.10.2024. godine.

Nadalje, Komisija je izvršila uvid u osnovni ugovor zaključen sa ponuđačem, te ugovore koji za predmet imaju slične radove, te su stručna tehnička lica Komisije mišljenjem broj 02/12-19-22986/24 od 24.10.2024. godine konstatovala da su sve jedinične cijene u skladu sa osnovnim ugovorom i trenutnim tržišnim cijenama.

Imajući u vidu navedeno, na preporuku Komisije za javne nabavke radova, a primjenom člana 28. i člana 64. stav 1. tačka b) Zakona o javnim nabavkama ("Službeni glasnik BiH" broj 39/14, 59/22 i 50/24), odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za rmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila: Anisa Bešagić, sekretar komisije

DOSTAVITI:

1. Ponuđaču u postupku
2. Služba za zajedničke poslove
3. Komisija za javne nabavke radova
4. U spis

